

Fin de l'an rich de premies per i studenc de l'IsA de Fascia

I studenc de la Scola d'èrt Giuseppe Soraperra da Poza à arjont i prumes posc te doi projec per la Val de Fiem



I studenc de la Scola d'èrt se à fat onor ence al concors per la "Foresta dei Draghi" del Lagorai.

Scola - Les è proprio de chisc dis passé la neves che i joegn studenc de la Scola d'èrt Bepin del Maester i à portà "a cèsa" doi bela gran sodesfaziuns. La fin de l'an de scola la è sempre più vejina e l'è ruà l'moment de veder recognosciù l'empegn che i studenc i à metù a scola dal l'uton passà enscin a ades.

L bosch di draghes

I studenc de la Scola d'èrt de Poza via per l'an scolastich 2010/2011 i à lurà te n projet de "land art" per la sozietà Latemar 2200 de Pardac. I scolees de la 5^a vidé dal professor Tessadri e chi de 2^a vidé da la professora Ferrari i à fat dessegnes e modie de opores d'èrt per dapò les meter fora te la "Foresta dei Draghi", vejina al refuge Gardoné. I lurieres di studenc de Fascia i è rué anter i trei finalis del concors "Scuola e Industria lavorano in partnership" portà dant dal Dipartiment Istruzione de la Provincia de Trent e de Confindustria che l'ha vedù tor pèrt 1300 studenc. I dessegnes di draghes i jirà a fèr pèrt del nef vièl

tematich de Gardoné, che tol ite ence 9 instalaziuns projetèdes con materièi naturèi "doné dal bosch". Duc i lurieres i è stac fac su la basa de la contia "Fiamme di ghiaccio sul Latemar" de Beatrice Calamari che vegnarà fora l'uton che vegn.

Via per dut l'istà, jent dal post, ghesc, gregn e picoi i podarà jir stroz per n'ora e mesa anter eves de drach, pedies, incijions su la crepa, peres de fech e amò de altra sugestions. L suzess di studenc de Poza l'è n motif de orgolie per la sozietà Latemar 2200 che via per l'istà che vegn prejentarà doi neves vièl tematics e de bela ativitèdes per la families.

I mondièi forin Fiem

L Comitè Mondie di Fiem 2013 l'ha premià pec dis dò semper i studenc de la Scola d'èrt de Poza e chi del Zenter de formazion profesionèl "Enaip" de Tieser per l'urlier fat per i Mondie. Ja acà vèlch meis i studenc de la scola fora Tieser i aea tutt pèrt ai mondièi a Oslo e alò i aea enjignà da magnèr per ghesc, profesionisc e atlec.

Ades ence i studenc de la scola d'èrt de Poza i sarà protagonisc di Mondie che vegnarà endrezé te Fiem del 2013, ma a na vida mingol desferenta.

Enstadi al palacongresc de Ciavaleis l'è stat na bela zerimonia de premiazion di lurieres di studenc a la prezenza del president de la Provincia de Trent Lorenzo Dellai, l president del Comitè per i Mondie di Fiem 2013 Piero Degodenz, l'assessor al turism Tiziano Mellarini, l scarie de la Magnifica Comunità Giuseppe Zorzi, e l president de la Comunità de Fiem Raffaele Zancanella.

I bec e la bezes de la Scola d'èrt i à realisà l projet per la statues de neif che vegnarà metudes a l'entreda del stadie de la giacia de Tieser e i à studià fora i trofei che i atlec i uzarà sul podie. Sun duc l'è stat cernù chel de la studenta Stefania Carpella, che l'ha arjont l'urlier pest dant da Arianna Rizzi e Lara Spagnoli. La giuria dapò à ence premià Marco Guadagnini che l'ha dessegnà l trofeo per i mondièi junior Fiem 2014 e Ermanno Zulian, che l'ha realisà l Trofeo Marcialonga.

Duc i lurieres portè dant dai studenc i è stac aprijé e recognosciui con gran valuta e per l'empegn ge è stat dat n recognosciment a duc



La studenta Stefania Carpella, con te man l trofeo di Mondie 2013 de Fiem, te mez al president Dellai e a dreta Degodenz, Zorzi e Mellarini.

chenc, consegnà a la Sorastanta de la Scola de Fascia Mirella Florian e al diretor del Zenter profesionèl Enaip de Tieser Dino Moser.

I bogh ejic di doi lurieres portè dant da la scola de Fascia moscia amò n'outa l leam che l'è anter l teritorie e la scola e che è de gran ütöl dant da dut per i studenc che i à l met de crescer dal pont de veduda profesionèl ma soraldut

da chel uman del carater. Se meter a la proa tras na competizion vera e con comitenc emportanc fèsc crescer dassen n muie i studenc che n'outa fora da scola i cognarà aer a che fèr con la medema situaziuns. De bie compliment a duc i joegn e ai professores che i ge dèsc l met ai studenc de poder portèr inant esperienzes de formazion coscita beles e da sodesfaziun. (vr)



I studenc de la scola d'èrt con insegnanc e autoritèdes a la premiazion a Ciavaleis.

La scola doventa laboratorie

Enstadi te liceo de Poza i studenc enscin a la quarta i é doventé picoi scienziac per l "Science Festival"



Per fèr entener miec coche l'è fat l DNA l'è stat durà clupes da meter a sièr.

Scola - Chi che à abù ocajion de ruèr te liceo scienziac acà pech temp fosc à cherdù de aer falà fabricat. Stroz per la aules e per i

portesc de la scola auta de Fascia tirèa aria de sciences...càmejes bienc, microscopies e benc con su pien de roba. L'era l "Science

Festival" che ence chest an à tout ite i bec da la pruma a la quarta de la scola auta che i à podù se trèr ite na mondura da scienziat e l doventèr per doi dis. L'è da trei egn che vegn portà dant chest projet che à chela de fèr doventèr reèles chela formules scrites su per i sfoes bienc di codejle de matematica, fisica e chimica.

Donca i studenc più gregn i se à endrezà te n muie de esperimenc e scomenzadives per ge fèr entener miec ai più joegn coche la è fata l'èga e coche la doventa n'outa giacèda; coche sira i pianec dintornvia l soreie; che che l'è i numeres prumes, de che che l'è fat l DNA, e coscita inant. Per poder fèr chest tant i à cognù vardèr ben segur de cognoscer bel delvers i argomenc, per esser verties e enjigné a resoner coche carenea a ogne domana. Spetadores no



Marco e Matteo i à chieri de ge spieghèr i numeres prumes ai bec de la mesènes de Ciampedel.

podea che esser i studenc de la mesènes, che vidé dai amicis de la scola auta per n dadoman i se à troà desche te n gran laboratorie

olache te anter serietà e picola grignèdes i à emparà robes de gran enteress che ge servirà a duc ti egn de scola che vegnarà. (vr)